

حقوقی بیکسیر مجموعہ سی

آئندہ بر نشر اول نور

رقابت ممنوعیتنه دائر شرطلر

ماده ص: ۱. — بر ایجار مقاوله سنه ، طرفیندن برینک ایجار اولنان مؤسسه یه رقیب مؤسسه آچمقدن ویا بومؤسسده علاقه دار اولمقدن ممنوعیتی حقنده درج اولنان شرط ، قانون مدینک ۲ و ۲۷ (تورک ۲، ۲۳) ماده لرینه مخالف اولمادیقی تقدیرده معتبردر . بورجلر قانونک خدمت عقدینه متعلق ۳۵۶ و ۳۵۷ (تورک ۳۴۸ و ۳۴۹) و ۳۶۰ (تورک ۳۵۲) ماده لری حکمی ، دیگر مقاوله لر وبالخاصه ایجار مقاوله لری مناسبتله وضع ایدیلان رقابت ممنوعیتلری حقنده تطبیق اولوناماز .

۲. — محل اعتباریله محدود و فقط زماناً غیر محدود رقابت ممنوعیتی بورجلر قانونک ۱۹ و ۲۰ قانون مدینک ۲۷ (تورک) ماده لرینه مخالف اولمادیقندن معتبردر .

۳. — رقابت ممنوعیتنه دائر اولان شرطلر، بالخاصه لهنه موضوع اولان طرف جانبندن یازلدینی تقدیرده بوکا قارشو غایت دار اوله رق تفسیر ایدمک لازم کلیرسه ده حاکم هرشیدن اول مقاوله نك انسانی عقدنده کی طرفینک مقصد و آرزولرینی نظر دفته آلق و بوکا مبین بر تفسیرده بولنماق لازم کلیر .

مدعی ژوزه بارکه، مدعی علیه ژوزه قوستر

۲۷ تشرین اول ۱۹۲۵

مسئله ماربر مدعی (بارکه) ۳۰ تشرین اول ۱۹۱۸ تاریخی مقاوله ایله مدعی علیه (قوستر) ، (بیهن) شهرنده متصرف اولدینی اسپانیا لوقانطه سنی کیرایه ویرمشدر ؛ بو مقاوله یه تقدم ایدن و بوکا مربوط اولان ۲۶ تشرین اول ۱۹۱۸ تاریخی مقاوله ایله ده فوستر، بیهن شهری وجوارنده قهوه خانه ویاخود اسپانیا لوقانطه سنه رقابت ایده بیله جک بر مؤسسه آچامسینی و بویله بر مؤسسده علاقه دار اولمامسینی و عکس حالده ۲۰,۰۰۰ فرانق اعطاسینی تعهد ایتمش ایدی .

فوسترده ۱ شباط ۱۹۲۳ تاریخندن اعتباراً والتر موللر ایله مشترکاً آربرژ شهرنده بر شراب تجارتخانه سی آچمشدر . فوستر و شریکی شراب تجارتخانه سی، بیهن شهرنده کی مختلف قهوه خانه و لوقانطه لره شراب و سائر مشروبات کتولیه اعطا ایتمکه باشلامشدر .

کندیلرینک بیهن شهرنده کی مشتری لری آراسنده مقدما فوسترک مستخدمی بولنان والتر سیمون نامنده بر قهوه خانه صاحبی واردرد. بو والتر سیمون قهوه خانه سنی اشترا ایتک ایچون اون بیک فراتیق بورجه کیرمش و بو بورجه ده مدعی علیه اولان فوستر کفالت ایتش و بالمقابله سیمون ده اون سنه ظرفنده قوللانه حق بالعموم مشروبات و سائر لوازمی فوستر و شریکی شرابخانه سندن اشترا تی تعهد ایتشدرد.

فوسترک بو معامله سنی مقاوله یه مخالف عد ایدن بارکه ؛ بونک علیه (برن) تجارت محکمه سنده دعوا ایدرک بو سببله مقطوع شرط جزاسی اولان ۲۰,۰۰۰ فرانکی دعوا ایتشدرد.

اسباب مدافعه مدعی علیه اوله عقده مخالفت ایتدیکنی ، نایاً بورجلر قانونسک خلاصه ده ذکر ایتدیکنمز ماده لری موجبجه [۱] مقاوله نك معتبر اولمادیغنی ثالثاً عقدی بارکه در فسخ ایتدیکی ایچون ۳۶۰ نجی ماده موجبجه (نومرو ۳۵۲) رقابت ممنوعیتته دائر اولان شرطدن استفاده ایدمه جکنی دفعاً درمیان ایتشدرد.

بره تجارت محکمه سی مدعی علیه ک حرکتی رقابت ممنوعیتی اخلال ایدمکک ماهیتده کورمیدیکندن دعوانک ردینه قرار ویرمشدرد.

فدره رال محکمه سی بورجلر قانونسک ۳۵۶ و ۳۵۷ (تورک ۳۶۸ و ۳۶۹) ماده لری خدمت عقدینه متعلق اولوب ایجار و استیجار مقاوله لرینه درج ایدیله جک شرطلر حقنده ماهیتی اعتباریه تطبیق اولنمه جنی و بناء علیه بو مثللو مقاوله لرده مندرج اولوب بورجلر قانونسک ۱۹ و ۲۰ نجی وقانون مدینک ۲ و ۲۷ (تورک ۲۳،۲) ماده لرینه مخالف اولمایان هر شرطک معتبر اولدیغنی و بالخاصه شرط اولنان رقابت ممنوعیتی، عاقلردن برنی تماماً اقتصادی حریتندن ممنوع بر ائادقجه و یا اقتصادی حیاتی ایچون بر تهلکه حصوله کثیر مدکجه و بالخاصه زمان اعتباریه غیر محدود اولسه ببله یالکمز اوفق بر محیطده رقابت ایدلماک ایچون بر تجارتک اجراسنی منع ایتک انتظام عامه یی خل تلقی اولنمه جنی ملاحظه لرله مقاوله یی معتبر عد ایتکده و ایکنجی اسباب مدافعه یی شایان قبول کورما مکده در.

[۱] بورجلر قانونسک (تورک ۳۹۲) موجبجه خدمت عقدی مقاوله سنده ، ایش صاحبی ابله بر ایشجی آراسنده رقابت ممنوعیتته دائر وضع ایدیلان شرطک معتبر اولما سی ایچون بالخاصه ایشک نوعی معین اولقی و بو ممنوعیتک نه قادر زمان ایچون و نه کبی برلرده جاری اوله جنی مقاوله ده تصریح اولتی لازمدر.

کذلك ۳۶۰ نجی (تورک ۳۵۲) ماده موجبجه؛ ایش صاحبی، ایشجینک فسخی بحق کوستره جک بر قصوری اولمادن عقدی فسخ ایدمرسه رقابت ممنوعیتته دائر شرطدن استفاده ایدهمیه جکنه دائر اولوب بو ماده حکمی قیاساً ایجار مقاوله لرینه تطبیق جائز اولهمیه جفتندن اوچنجی سببی ده وارد کورما مشدر .

بناءً علیه فده رال محکمه سی یالکز برنجی یعنی مقاوله یه مخالفت موجود اولوب اولمادینی مسئله سنی اهمیتله تدقیق ایدیور . نتیجه ده فوسترک سیمونه کفیل اولمی اعتباریه ایشلرینک اینی کیتمنده درکار اولان علاقہ سنی و سیمونه مشروبات تمهد ایدن یکانه تجارتخانه اولمی اعتباریه بو مؤسسه فضله مشتری جلبنه غیرت ایتمی طبیعی اولمی و سیمونک قهوه خانه سنک اسپانیا لوقانطه سنه رقیب اولدینی ظاهر بولنمی ملاحظه لرینه بناءً بو وضعیتده فوستری ، کاروضرینه اشتراک ایتش قادر (۱ کردها زیاده دکل ایسه) بورقیب مؤسسه ده علاقہ دار کورمکده در . بناءً علیه قانون مدینک ایکنجی ماده سنی نظر دفته آله رق و فوسترک بو حرکتی حسن نیت قاعده سنه مخالف وبالواسطه رقابت ماهیتده کوره رک مقاوله یه مغایر حرکتده بولوندینه و فقط مشروط اولان ۲۰,۰۰۰ فرانسی فضله کوره رک ۵,۰۰۰ فرانق تضمینات اعطاسنه حکم ایتمشدر .

فی الحقیقه حاکم ، بورجلر قانونه فاحش کوردیکی شرط جزایی تنزیل ایله مکلفدر .

۲۰۴

استیناف حقوق محکمه سی : ۲ تموز ۱۹۲۶ جلسه سی

مستأنف علیه غروبه

مستأنف براند

خلاصه : بورجلر قانونک ۴۱ نجی ماده سی موجبجه ضرر معنوی اوله رق تضمینات اعطای قباحتک پک آغیر و حصوله کلن ضررک فاحش اوله سنه منوطدر . بناءً علیه اثنای مدافعه ده بر آوو قانک بر حادثه نی یا کلش تصویر ایتمی بر خطای فاحش تلقی ایدلز .

جنوره ده مقیم ایش بیتی ریجی Agent d'affaire (غروبه) بورجلر قانونک

۴۱ نجی ماده سی موجبجه اووقات موسیو براندن ۸ مایس ۱۹۲۴ تاریخلی اخطارنامه